

# Ilinnialernissamut piumasaqaatit

Ilinnialernissamut piumasaqaataavoq ilinniarneruunngorniarnerup (GUX) angusilluni naammassisimanissa.

Fagini kalaallit aamma danskit oqaasiini A-qaffasissutsimi kiisalu minnerpaamik karakteeri C anguneqarsimassaaq – taamaalilluni oqaatsini pineqartuni ilinniartitsinermik malinnaanissaq qulakkeerneqarluni. Fagimi tuluit oqaasiini B-qaffasissutsimi minnerpaamik karakteeri D anguneqarsimassaaq. Nunami allami soraarummeerneq tunngavigalugu kalaallit / danskit tiguneqarnissamut piumasaqaatai naammassisimagaanni tiguneqarnissamut perarfissaqarpoq.

Inuaqatigiilerinermik ilinniakkamik naammassisqaqaarsimanissaq ilinnialerumaartussanut kaammattutigineqarpoq. Bachelorinngorniarluni ilinnialernissamut piumasaqaataasoq aalajangiisussaq tassaavoq tiguneqarnissamut misilitsinnermi angusisimaneq.

Tiguneqarnissamut misilitsinneq ilusilersorneqartapoq imaalillugu, qinnuteqartup tusagassiortutut eqqarsartariaaseqarluni tappissuunera, inuaqatigiilerinermut ilisimasat kiisalu kalaallit, danskit aamma tuluit oqaasiinik piginnaasat.


Ilinnialernissamut piumasaqaatit saniatigut immikkut ittumik akuersinissamut Ilisimatusarfik perarfissaqarpoq.

# Sumiiffik & aallartiffik

Ilinniarneq ingerlanneqassaaq Ilisimatusarfimmi campus Ilimmarfik.

Ilinniarneq aallartissaqq: 01 septembari

Qinnuteqarnissamut killissarititaasoq: 01 marsi



## Paasissutissat

Ilinniartitaaneq pillugu annerusumik paasisaqarsinnaavutit uani:

- Nittartagaq: [www.uni.gl](http://www.uni.gl) | e-mail: [mail@uni.gl](mailto:mail@uni.gl)
- Oqarasuaat: (+299) 38 56 00

# Tusagassiortoq

ILISIMATUSAREIK



University of Greenland



/ilisimatusarfikgl



/ilisimatusarfik



/ilisimatusarfik

## Ilinniakkap ilisaritinnera

Alapernaatsuuit aamma inuiaqatigiinni sammisat pingaarutillit pillugit misissuineq, qulaajaaneq ingerlatitseqqinerlu suliarerusuppigit?

Tusagassiorutut ilinniarninni tusagassiutini naqitani, TV-mi, radiumi aamma nittartakkatigut tusagassiorutut suliassanik ilinniartinneqassaatit.

Ilinniagaq atorfininnissaq siunertalarugu bachelorinngorniarneruvoq teoreertalu suliamut sammivoq.

Tusagassiornermik periutsit piginnaaneqarfifilissavatit aamma inuiaqatigiit kalaallit ilusaat aaqqissugaanerallu paasisaqaqarfifissavatit.

Ilinniarnermi piumasaqaataapput suleqateqarluarsinnaassuseqarneq, imminut naalakkersinnaaneq nammineersinnaanerlu, tassami tusagassiortuunermi ujartuisinnaaneq nammineerlunilu aallarnisaasinnaaneq pineqarpuit.



YouTube atuaruk ..



/ilisimatusarfikgl

## Ilinniakkap aaqqissugaanera

Ilinnut ilinniartitsissutigineqassapput tusagassioriaatsit tamarmiusut - naqitat, tv, radio, web aamma attaveqaqatigiinneq. Tusagassioriaatsit assigiinngitsut tunulequtaralugit sulineq ilinniassavat kiisalu tusagassiorutut atortussanik periutsinillu assigiinngitsunik ilinniartinneqassaatit. Pineqartut tassaapput isumassarsianik ineriaortitsineq, paasisassanik katersuineq, oqaluttuariniakkap sammivilernissaa, apersuineq kiisalu saqqummiined.

Tusagassiornermi pitsaasumik eqqarsaatiginnineq misissueqqissaarinerlu pineqartarpuit pisariaqtinnejqpullu ilisimasaqarneq, ileqqorissaarneq pissuserissaarnerlu. Taamaattumik inuiaqatigiit nunarsuullu aaqqissuussaanerat pillugit, maleruagassat aamma apeqqutit ileqqorissaarnermut tunngasut qanoq pineqassanersut, kiisalu teorii atorlugu inuttut piginnaasatit qanoq ineriaortissinnaaneri pillugit ilinniassavatit.

Tusagassiornermut bachelorinngorniarneq ukiut sisamaata affaanik sivissuseqarpoq, taakkunannaq ukioq ataaseq suliffimmi aningaasarsiaqarnerluni sungiusarnerulluni. Tamatuma kingorna ilinniarnerit qaffassarlugu kandidatimut - cand.public ingerlaqqinnissannut periarfissaqarputit. Tusagassiornermut Kandidatgrad ingerlavigeqqinneratigut nalinginnaasumik tusagassiorutut ilinniagaqarnerit pitsangorsarsinnaavat itinerusumillu illinniakkamut tunngasumik sammisaqarlutit. Kandidatimut ingerlaqqinnermi ukiut marluk atorneqartarpuit.

## Suliffissatut periarfissat

Tusagassiorutut ilinniagaqaruit tusagassiutit assigiinngitsut suliffigisinnaavatit, soorlu TV-qarfii, radiukkut aallakaatitsiviit, nittartakkanik aaqqissusoqarfii, aviisit aamma attaveqaqatigiinnermut immikkoortortaqarfii il.il.

Immikkoortut aalajangersimasut iluni immikkut ilinniagaqarsinnaavutit, soorlu nunami namminermi pissutsit, nunani allani pissutsit, kulturi, pinerluttarnerit il.il.

Aamma nutaarsiassaqaartitsivimmi pituttugaanak (imitittartoq) aalajangersimasumilluunniit atorfilitut sulisinnaavutit.



/ilisimatusarfik



/ilisimatusarfik